



An Bhruiséil, 8 Márta 2016
(OR. en)

6900/16

FISC 35
ECOFIN 208

TORADH NA nIMEACHTAÍ

ó: Ardrúnaíocht na Comhairle

An: 8 Márta 2016

chuig: na toscaireachtaí

Uimh. an doic. 6674/16
roimhe seo:

Ábhar: A bhfuil i ndán don Chód Iompair (Cánachas Gnó)
- Conclúidí ón gComhairle (8 Márta 2016)

San Iarscríbhinn, gheobhaidh na toscaireachtaí na Conclúidí ón gComhairle maidir lena bhfuil i ndán don Chód Iompair (Cánachas Gnó), a ghlac an Chomhairle ag an 3454ú cruinniú a bhí aici ar an 8 Márta 2016.

Conclúidí ón gComhairle maidir lena bhfuil i ndán don Chód Iompair

"Déanann an Chomhairle an méid seo a leanas:

1. MEABHRAÍONN SÍ go bhfuil rún daingean aici an chalaois chánach a chomhrac, mar aon leis an imghabháil chánach agus an phleanáil ionsaitheach chánach, ar leibhéal an Aontais agus ar an leibhéal domhanda;
2. MEABHRAÍONN SÍ gur ghlac an Chomhairle agus ionadaithe Rialtais na mBallstát, ag teacht le chéile dóibh i dtionól na Comhairle, i mí na Nollag 1997, rún maidir le Cód Iompair um chánachas gnó (dá ngairtear "an Cód" anseo feasta);
3. MEABHRAÍONN SÍ gur bunaíodh Meitheal um an gCód Iompair (dá ngairtear "an Mheitheal" anseo feasta) ina dhiaidh sin, i Márta 1998, chun measúnú a dhéanamh ar na bearta cánach a thagann faoi raon feidhme an Chóid agus maoirsiú a dhéanamh ar sholáthar na faisnéise faoi na bearta sin;
4. MEABHRAÍONN SÍ na Conclúidí a ghlac sí ar an 8 Nollaig 2015 maidir lena bhfuil i ndán don Chód, lena ndaingnítear *"gur cheart díriú, leis an obair a dhéantar ar an gCód Iompair a bheidh ann amach anseo agus le treisiú an Chóid, ar leas níos fearr a bhaint as sainordú reatha an Chóid; ar fhéachaint ar na féidearthachtaí agus ar na rialacha mionsonraithe maidir le tréimhse an tsainordaithe a fhadú agus maidir leis na critéir a nuashonrú agus ar an ngá a d'fhéadfadh a bheith ann rialachas an Chóid a choigeartú dá réir sin"*, agus lena n-iarrtar ar an *"Meitheal Ardleibhéil maidir le Cánachas (MAL) conclúid a tharraingt maidir leis an ngá atá leis an rialachas foriomlán, leis an trédhearcacht fhoriomlán agus le modhanna oibre foriomlána a fheabhsú agus bailchríoch a chur ar athchóiriú na Meithle le linn Uachtaránacht na hÍsiltíre"*;
5. MEASANN SÍ go bhféadfaí eagrú na Meithle agus a modhanna oibre a nuashonrú d'fhonn cur níos mó fós le héifeachtúlacht na Meithle;
6. DEIMHNÍONN SÍ gur cheart go bhfanfadh na rialacha maidir le ceapadh Chathaoirleach na Meithle gan athrú agus gur cheart go leanfadh beirt Leas-Chathaoirleach de bheith ag cuidiú leis an gCathaoirleach;

7. FORÁLANN SÍ ar an Meitheal tosú ar thoghadh an Chathaoirligh a ullmhú d'fhonn aistriú réidh a áirithiú ag na chéad toghcháin eile go luath in 2017;
8. MEABHRAÍONN sí don Mheitheal treoir a fhorbairt maidir le forléiriú chritéar na tairisí agus a chur i bhfeidhm;
9. IARRANN SÍ ar an Meitheal feidhm ghníomhach a bhaint as foghrúpaí atá ann cheana agus go ndéanfaí foráil d'fhoghrúpaí nua i gcás inarb iomchuí;
10. CINNEANN SÍ gur foghrúpa a phléifidh leis an soiléiriú ar an tríú critéar den Chód agus ar an gceathrú critéar de agus go ndéanfaidh foghrúpa eile cúram den idirphlé le tríú tíortha ábhartha;
11. IARRANN SÍ ar an Meitheal Ardleibhéil maidir le Cánachas an gá a mheas maidir le hiarraidh ar an bhfoghrúpa sin déileáil le saincheisteanna tráth níos faide anonn i ndáil leis an Teachtaireacht faoi straitéis sheachtrach i dtaca le cánachas éifeachtach (5637/16 FISC 8);
12. CUIREANN SÍ I dTREIS an tábhacht a bhaineann le bearta cánach a chur i bhfógra chuig an Meitheal trí thagairt do chritéir shoiléire, oibiachtúla mar chuid den nós imeachta bliantúil maidir le neamhghníomhaíocht agus rolladh siar, TUGANN SÍ DÁ hAIRE go gcuimsítear i bpacáiste oibre 2015 na Meithle um an gCód Iompair na treoirlínte sin a fhorbairt agus IARRANN SÍ ar an Meitheal iad a thabhairt chun críche a luaithe is féidir;
13. MEASANN SÍ go bhfuil gá leis an bpróiseas cinnteoireachta a dhlúthú trí imeacht ón gcéim "tuairisc a comhaontaíodh" go dtí an chéim "measúnú", gan cinneadh leathan nua comhthola a éileamh maidir leis an gceist sin, agus gan dochar don mheasúnú deiridh ag an Meitheal a bheith faoi réir comhaontú ginearálta;
14. TACAÍONN SÍ le feabhas a chur ar infheictheacht pholaitiúil obair na Meithle tríd an gComhairle (ECOFIN) a rannpháirtiú ar bhonn níos córasaí, go háirithe nuair nach féidir teacht ar chomhaontú ginearálta maidir le bearta aonair, le dréacht-treoracha, nó le measúnú ar na treoracha atá ann faoi láthair, agus trí dhíospóireachtaí poiblí a eagrú in ECOFIN, de réir mar is iomchuí, ar roinnt saincheisteanna ginearálta a bhaineann leis an gCód Iompair;

15. CUIREANN SÍ I dTREIS an gá atá le trédhearcacht na Meithle maidir leis an obair a rinneadh san am a caitheadh agus maidir leis an obair atá ar siúl faoi láthair, agus béim á leagan aici ag an am céanna ar a thábhachtaí atá sé a áirithiú go bhféadfar leanúint, ar bhealach rúnda, de chomhar a bheidh bunaithe ar thorthaí laistigh den Mheitheal um an gCód Iompair;
16. IARRANN SÍ go ndéanfaí tuarascálacha 6 mhí ón Meitheal a bheadh níos substaintiúla a sheoladh chuig ECOFIN, ina léireofaí na príomhghnéithe agus na tuairimí a pléadh faoi nithe sonracha agus ina dtuairisceofaí freisin an faireachán a bhaineann le comhlíonadh nó le neamhchomhlíonadh na dtreoracha a comhaontaíodh;
17. IARRANN SÍ ar an Meitheal tuilleadh scrúdaithe a dhéanamh ar thionscnaimh chun an pobal a chur ar an eolas maidir le torthaí a cuid cruinnithe agus tuarascáil a thabhairt do ECOFIN maidir leis an tsaincheist sin faoi Mheitheamh 2017;
18. TACAÍONN SÍ le tuarascálacha tráthrialta ó bhéal ó Chathaoirleach na Meithle chuig ECOFIN, chomh maith le malartú faisnéise idirinstiúideach, más gá;
19. CUIREANN SÍ IN IÚL gur mian léi éascú a dhéanamh ar an rochtain ar fhaisnéis maidir leis an obair atá ar siúl sa Mheitheal faoi láthair agus maidir leis an obair a rinneadh inti san am a caitheadh, lena n-áirítear doiciméid a cuireadh ar fáil don phobal cheana féin, e.g. trí leathanach tiomnaithe ar shuíomh gréasáin na Comhairle agus trí dhoiciméid a bhaineann le nótaí teorach ginearálta agus lena gcinntí críochnaitheacha maidir le bearta aonair a scaoileadh, a mhéid is féidir;
20. IARRANN SÍ ar an Meitheal Ardleibhéil rialachas, trédhearcacht agus modhanna oibre na Meithle a athbhreithniú, go háirithe maidir le héifeachtúlacht an phróisis cinnteoireachta agus freisin i ndáil le rialail na comhthola ginearálta a úsáid in 2017; agus tuarascáil a thabhairt ina leith sin do ECOFIN i mí na Nollag 2017;
21. IARRANN SÍ ar an Meitheal Ardleibhéil scrúdú a dhéanamh ar an tsaincheist maidir le hathbhreithniú a dhéanamh ar shainordú na Meithle, d'fhoill cinneadh a dhéanamh maidir leis na deiseanna agus leis na rialacha mionsonraithe atá ann chun an sainordú a fhadú agus chun na critéir a thabhairt cothrom le dáta faoi dheireadh Uachtaránacht na hÍsiltíre."